

Bicara saman Ali Puteh, Aliff Syukri dan kakak ipar Februari ini



ALI PUTEH

Oleh SUWARNI MOKHTAR 12 Januari 2021, 6:27 pm

**KUALA LUMPUR:** Kes saman Ali Puteh terhadap usahawan kosmetik, Datuk Aliff Syukri dan kakak iparnya, Siti Norhidayah Mohd. Ali akan didengar di Mahkamah Sesyen di sini pada 16 dan 17 Februari ini.

Menurut peguam Noorazmir Zakaria yang mewakili Ali Puteh atau nama sebenarnya Syed Ali Mubarak Syed Mohd. Ridzuan, pada tarikh sama, mahkamah akan turut mendengar kes saman isteri kepada Allahyarham Abam Bocey itu terhadap adik iparnya itu.

Tarikh tersebut ditetapkan oleh Hakim Zulqarnain Hassan pada prosiding pengurusan kes secara atas talian hari ini yang turut disertai peguam Hasshahari Johari Mawi yang mewakili Aliff Syukri dan peguam Fathin Nadhira Kamarudin yang mewakili Siti Norhidayah.



ALIFF SYUKRI

Kemelut antara kedua-dua individu itu tercetus selepas kematian Abam Bocey atau nama sebenarnya Syed Umar Mokhtar Syed Mohd. Redzuan pada 10 Februari 2020 akibat demam panas.

Pada Mei 2020, Siti Norhidayah, 29, telah memfailkan saman fitnah terhadap Ali Puteh, 32, berhubung kenyataan yang dibuat pelawak itu di akaun Instagramnya yang antara lain menggambarkan dirinya seorang yang tidak bertanggungjawab.

Wanita terbabit memohon ganti rugi am, teladan atau punitif dan teruk yang tidak dinyatakan jumlahnya.

Dia juga memohon satu perintah injunksi bagi menghalang adik iparnya menyiarkan sebarang kenyataan berbau fitnah terhadap dirinya, kod dan relief-relief lain yang difikirkan sesuai oleh mahkamah.

Sementara itu, Ali Puteh bersama, bapanya, Syed Mohd. Ridzuan Syed Hassan, 65; ibunya, Sabariah Arshad, 63; dan kakak sulungnya, Sharifah Norwahidah Syed Mohd. Ridzuan, 42, pada Julai tahun lalu memfailkan saman fitnah terhadap Aliff Syukri dan Siti Norhidayah berhubung satu temu bual yang disiarkan secara langsung di akaun Youtube usahawan kosmetik itu.

Temu bual itu didakwa telah menjatuhkan maruah, mengaibkan dan memfitnah Ali Puteh sekeluarga selaku plaintif.

Sehubungan itu, Ahli Puteh dan keluarganya memohon satu perintah menghalang Aliff Syukri dan Siti Norhidayah daripada mengeluarkan sebarang pernyataan fitnah.

Mereka juga memohon agar kedua-dua individu itu membuat permohonan maaf secara terbuka, menarik balik dan memadamkan video temubual yang berbau fitnah tersebut di kesemua media sosial milik Aliff Syukri.


Turut dimohon ialah ganti rugi am, teruk dan teladan yang akan ditaksirkan kemudian oleh

POPULAR



**Bila Ole akan dipecat?**

11 November 2021, 10:45 am



**Tidur antara pukul 10-11 malam kurangkan risiko penyakit jantung**

11 November 2021, 10:30 am



**Hijrahkan Laguku, 8 artis bersaing rebut gelaran juara**

11 November 2021, 10:15 am



**Kedah ancaman besar Harimau Selatan**

11 November 2021, 10:00 am

Iman Troye dikecam sebab Sampai Bila  
Malaysia dikategorikan negara tidak sihat  
Dituduh jadi orang ketiga, sebarlah Bunga